

Manmin nga mga Balita

NO. 87 MARSO 4, 2018

Ang Pag-ampo Nipahunong sa Dakong Bunok sa Nyebe, sa China!


Sayo sa Enero 2018, ang pag ampo ni Senyor Pastor Dr. Jaerock Lee nipahunong sa grabing snow nga niigo sa Huainan sa China.

Ang National Meteorological Center sa China nisibya sa grabing 'snowfall' nga moigo sa Huainan probensya sa Anhui, ubos sa Yangzi River sa China karong tingtugnaw gikan sa 8 A.M sa Enero 4-8 inig Enero 5. Ang dakong bunok sa nyebe giingon, og ang maong kondisyon sa snow gipakaingon sa dakong kadaot og modanyos sa 1.5 milyon dolyar penansyal.

Daghang miyembro sa Manmin namuyo sa Huainan, og nananom silag utanon. Buntag sa Enero 4, mga 20cm na ang snow sa maong lugar. Kon magpadayon ang bunok sa snow, ang ilang mga tanon mangadaot. Mao nga nagpadala sila og prayer request ni Dr. Lee.

Pag 6:15 P.M. Enero 4 sa Korea, si Dr. Lee niampo alang nila. Human ana, nihinay kini og kompletong nihunong sa mga alas 7 sa gabii. Ang mga lokal nga magsisibiya ni report nga ang alerto sa dakong bunok magpadayon hangtod 8 A.M. sa Enero 5 apan nitang-on pag 6 P.M. ilang oras (7 P.M. oras sa Korea) Enero 4.

Ang mga miyembro niingon nga grabi kaayo ang snow, apan kompletong nihunong pag 7 P.M (oras sa Korea). Wala maabti og 1 oras human sa pag ampo ni Dr. Lee. Dugang pa, ang ilang mga "greenhouses" wala mangadaot sa grabing snow, og ang ilang mga sakyanan protektado samtang daghan ang aksidente sa sakyanan sa maong lugar (litrato, sa tuo).



Ang mga Libro ni Dr. Jaerock Lee Gi-display sa New Delhi World Book Fair 2018

Enero 6-14, 2018, ang mga libro ni Dr. Jaerock Lee gipaila sa New Delhi World Book Fair 2018 nga gihimo didto sa Pragati Maidan sa Delhi, India. Kini usa sa kinadak-ang Book Fair sa Asia. Karong tuiga, gibanabana sa 800 ka mga publishing-houses gikan sa 35 ka mga nasod ang niapil og 1.2M ka mga tawong nibisita sa ilang mga displayhanan.

Isip lokal partner publisher sa Urim Books, ang MSS ni publisar og nanghatag sa mga libro ni Dr. Lee sa tibuok kalibotan. Sa ilang displayhanan, ang Delhi Manmin Church (Pastor John Kim) ni

display sa Hindi nga edisyon sa mga libro ni Dr. Lee; *The Message of the Cross*, og *My Life My Faith*. Ang English nga edisyon sa *Heaven and Spirit, Soul, and Body* gi-display sad. Daghang nibisita og nitan-aw sa mga libro.


Dugang pa, ni publisar sila og bagong programa sa Hindi aron ang mga magbabasa makakita sad sa mga libro ni Dr. Lee sa digital media, video clips para sa SNS o sa mga mogamit og You-Tube, og *Balita sa Manmin*. Ang video presentation mahitungod sa mga gamhanang lihoc ni Dr. Lee gipangtan-aw sa mga bisita.

naglakup sa gamhanang lihoc ni Dr. Lee gikan sa iyang anak nga nibisita sa book fair. Samtang siya nagtan-aw sa CD naayo siya sa aritris. Ang iyang asawa paralisado ang ubos nga lawas, apan nakabati pagbalik ang iyang mga paa.

Brother Adarsh Warman, 25 anyos, naa sa wala sa litrato, nagsulay og pangitag paagi nga maayo ang iyang ig-agaw, Rinku, 22 anyos, nga giingong permanenting ma paralisado tungod sa 'congenital cerebral palsy.' Nibisita siya sa

book fair og naka dunggog mahitungod ni Dr. Lee.

Iyang gidala ang iyang ig-agaw sa Delhi Manmin Church. Human nga nakadawat sa pag ampo diha sa simbahan, ang iyang ig-agaw nilakaw sa unang higayon sa iyang kinabuhi.



Ining maong book fair, daghan ang naka eksperyensya sa kahibulongang lihoc sa Espiritu Santo pinaagi sa mga panghimatuud sa kaayohan tungod sa pag ampo ni Dr. Lee og sa balaang ebanghelyo.

Brother Satya Prakash Sharma, 53 anyos, nag antos sa grabing aritris nga dili gani siya makalakaw og tarong. Apan nakadawat siya og CD nga





Senyor Pastor Dr. Jaerock Lee

Kataposang Pito ka Pulong ni Hesus sa Krus (2)

“Sa pagkakita ni Hesus sa iyang inahan og sa tinun-an nga iyang gimahal nga nagbarog didto, miingon siya sa iyang inahan, “Babaye siya ang imong anak.” Og niingon siya sa tinun-an, “Siya ang imong inahan.” Sukad niadto gidala sa tinun-an si Maria aron didto na magpuyo sa iyang balay” (Juan 19:26-27).

Sa wala pa Siya moginhawa sa iyang kataposang ginhawa, uban sa tanan Niyang kusog nga nahabilin, gibilin ni Hesus ang pipila sa Iyang mga pulong. Nailhan kini nga “Ang Kataposang Pito ka Pulong ni Hesus sa Krus.” Sumpay sa kataposang edisyon, karon atong tan-awon ang ika-3 pulong didto sa krus.

1. “Babaye siya ang imong anak!”

Mabasa sa Juan 19:26, “Sa pagkakita ni Hesus sa iyang inahan og sa tinun-an nga iyang gimahal nga nagbarog didto, miingon siya sa iyang inahan, ‘Babaye siya ang imong anak!’” Dinhi, ang “imong anak” nagpasabot sa tinun-an nga gimahal ni Hesus – Juan. Si Hesus niingon ni Berhin Maria nga ipa konsiderar si Juan nga iyang kaugalingon nga anak.

Nganong niingon man si Hesus nga “Babaye siya ang imong anak!?” Usa pa ka mahinungdanong kamatuuran dinhi nga atong bantayan, ang pagtawag ni Hesus ni Berhin Maria og “babaye.”

Ang termino nga “inahan” sa “Libro ni Juan” mga pagkutlo lamang sa tagsulat nga si Juan, dili gikan ni Hesus. Gani sa Juan 2 naay hitabo nga si Hesus mihimog bino sa tubig og sa

makausa pa iyang gisangpit si Berhin Maria og “babaye.” Kini tungod kay si Berhin Maria dili mahimong inahan ni Hesus. Unsaon man nga si Maria mahimong inahan ni Hesus nga siya mao man ang Dios (Filipos 2:6) og Dios sa Anak nga usa sa Dios Trinidad?

Ang Dios walay sinugdanan og walay kataposan og “Ako Mao Ako” (Exodo 3:14); walay ni anak Niya o ni umol Niya. Mao nga si Hesus nga “Dios” wala mo sangpit ni Berhin Maria, nga binuhat lamang, og “Mama.” Gani si Berhin Maria dili matawag og inahan ni Hesus sa dugo. Ang katawhan gipanamkon pinaagi sa tuhos og itlog. Apan si Hesus gipanamkon pinagi sa Espiritu Santo.

Kon ang bata matawo pinaagi sa artificial insemination, ang babaye ba nga nagdala niya iyang “inahan”? kon ang bata ibutang sa ‘incubator’ og kadiyot, iya bang tawgon ang incubator og “mama”? Mao usab, si Hesus wala motawag og “mama” ni Berhin Maria bisan Siya diha sa sabakan ni Berhin Maria sa wala pa siya matawo. Ang Dios dili mahimuot kon ang tawo maghunahuna og mohimo nga si Berhin Maria inahan ni Hesus og mosimba niya isip idolo.

Ang Dios niingon nato sa Exodo 20:3-4, “Ayaw kamo pagsimba og laing dios gawas kanako. Ayaw pagbuhat og diosdios o larawan sa bisan unsa...,” dili gyod ta maghimo, mosilbi, o mo simba og idolo sa bisan unsang binuhat.

Sunod nga pulong ni Hesus, “Babaye siya ang imong anak!” gituyo aron paghupay ni Maria. Sa pagsaksi nga ang iyang pinanggagang Hesus nahiangom sa tumang pag-antos og kasakitan, si Berhin Maria nakabati sa kasakit sa dughan og sa tumang kaguul. Ang matinahorong Hesus nakahinumdom ni Berhin Maria bisan sa kataposang mga yugto sa iyang kinabuhi og iya siyang gibilin sa Iyang tinun-an isip maoy iyang kaugalingong anak.

2. “Siya ang imong inahan!”

Nagpadayon sa Juan 19:27, “Og niingon Siya sa iyang tinun-an, ‘Siya ang imong inahan!’ Sukad niadto gidala sa tinun-an si Maria aron didto na magpuyo sa iyang balay.” Sugod

ato ang Bibliya nagsulti nato nga si Juan midala ni Berhin Maria ngadto sa iyang balay og gisilbihan siya samang siya maoy iyang inahan. Human sa pag-anak ni Hesus isip usa ka berhin, si Maria nanganak pa og daghan uban sa iyang bana nga si Jose. Sa ingon si Hesus wala na moingon sa mga anak ni Maria og Jose nga ipaatiman siya apan nisangon ni Juan nga iyang tinun-an sa maong buluhaton.

Unsay may angay natong mahibawan og klaro ini? Ang kasulatan nag ingon sa Filipos 3:20, “Apan ang atong puloy-anan atua sa langit og mahinangpon kitang nagpaabot sa pag anhi sa atong Manunubos gikan sa langit-ang Ginoong Hesus Kristo.” Ang mga anak sa Dios nga nakadawat sa kaluwasan nahisakop sa langit. Ang mga anak sa Dios, ang tanang nidawat sa Ginoo diin nahisulat sa libro sa kinabuhi, mahimong espirituwal nga pamilya nga magsilbi sa Dios isip maoy ilang Amahan.

Ang Dios maoy tinubdan sa kinabuhi. Bisin tinuod natawo ta sa atong mga ginikanan, ang tuhos og itlog sa atong ginikanan hinatag gikan sa Dios. Kon atong susihon ang atong gigikanan, atong masuta nga ang atong katigulangan nga si Adan gikan gihapon sa Dios. Ang Dios mismo ang nag umol sa lawasa ni Adan og iya siyang ginhawaan sa gininhawa sa kinabuhi diha sa buho sa iyang ilong, mao nga ang atong kinabuhi gikan sa Dios. Bisin og managminyo ang babaye og lalake, dili sila makahimo og lain pang kinabuhi kon walay permiso gikan sa Dios, kay ang awtoridad sa paghatag og espiritu sa batang gisabak iya lamang sa Dios.

Sa pag usbaw sa siyensya og teknolohiya, ang dakong lantugi mikutaw sa katawhan tungod kay walay tawo nga makahimo sa iyang kaugalingong espiritu. Tingale ang katawhan makahimo pagbuhat og unod apan tungod kay ang pagbuhat ini wala may espiritu, wala siyay kalahian sa hayop og dili matawag nga tawo. Dugang pa, ang katawohon, ilhanan, og pamay-ong og uban pang hiyas sa bata nga gipanamkon dili usab ma kontrola sa ginikanan.

Ang dili malalis nga punto mao nga ang Dios ray nagmando sa kinabuhi sa tawo. Ang Dios ray makahatag

og espiritu sa tawo og Siya ang naghupot sa kinabuhi, kamatayon, tunglo og panalangin sa katawhan, og kining maong Dios mao ang atong espirituwal nga Amahan. Kon ang tawo nagpakabuhi uban sa tinguha sa kalibotanhong mga paagi og dili motoo Niya, kanang mga tawhana dili makatawag sa Dios og “Amahan!” (Juan 8:44).

Mao nga, bisan pa og kita nahiusa pinaagi sa dugo ni bisan kinsa ining kalibotana, dili sila maka puyo sa eternal nga Langit kon sila dili motoo sa Ginoo. Bisin gani si Hesus nipahinumdom nato ini sa Mateo 12:50 “Kay ang akong inahan og mga igsoon mao kadtong nagbuhat sa kabubut-on sa akong amahan nga atua sa langit,” og gitudloan ta Niya sa kinaugalian sa tinuod nga pamilya, nga mao ang espirituwal nga pamilya.

Kinahanglan nga atong higugmaon og silbihan ang atong pamilya sa unod apan pinaagi sa espirituwal nga gugma nga tarong atubangan sa Dios. Ang tinuod nga gugma dili mosumiter og mohigugma sa pamilyang manamastamas sa Dios og mosubay sa dalan nga dili sibo sa kabubut-on sa Dios.

Pananglitan ang imong unodnong ginikanan og igsoon moingon nga, “Ayaw’g adto sa simbahan” o “Kuyog nako maghimo ta og daotan.” Kon ang maong tawo mosunod sad nila, dili na paagi sa gugma apan sa kamatayon. Mao nga, samtang atong higugmaon ang atong ginikanan og igsoon, ato kining buhaton diha sa matuud. Dugang pa, kon naa tay tinuod nga gugma sa atong pamilya, ato silang sultihan sa ebanghelyo og giyahan sila alang sa Langit.

Mga kaigsoonan diha ni Kristo, nahitisuk diha sa ika-3 mga pulong ni Hesus nga gisulti diha sa iyang mga pagsakit mao ang gugma ni Hesus nga maoy mihupay sa nagbangotan nga Maria. Ang atong Ginoo nisulti usab kanato nga ang tanang kaigsoonan diha Kaniya maoy atong tinuod nga pamilya. Ako mag ampo sa ngalan sa Ginoo nga ikaw mas labaw’ng makakab-ot sa dughan sa atong Ginoo, labaw’ng mohigugma sa Dios, og makig ambit sa matag-usa sa espirituwal nga gugma sa Ginoo.

Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga **Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 08389
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminen@manmin.kr
Publisher: Dr. Jaerock Lee
Managing Editor: Geumsun Vin

Pag-ampo nga Makapahimuot sa Dios

Aron mahimong espirituwal nga mangugubat og makatuman sa probidensya alang ining naghinapos nga panahon, labaw sa tanan kinahanglan nga kita mag-ampong mainiton. Kini tungod kay, uban sa atong pagkabalaan, ang kahumot sa atong mainitong pag-ampo maoy tinubdan sa gahom nga mopalihok sa langitnong mga binuhat og mga anghel, molumpag sa awtoridad sa daotang espiritu diha sa kahanginan og mo bungkag sa kampo sa kangitngit.

Karon atong tan-awon ang atong pag ampo sa tulo ka aspeto.

Unsa gidaghanon ang gugma alang sa Dios og sa Ginoo ang imong giampo?

Pag-ampo, una, kinahanglan ihalad uban sa dughan nga puno sa gugma alang sa Dios og sa Ginoo.

Sa dihang ang mga Hudeyo diha sa ngilit sa pagkahugno, si Queen Esther miduol sa hari sa Persian Empire aron mohangyo niya nga ipaluwas ang mga Hudeyo. Gani, mahimo siya patyon tungod kay kini dakong pagsupak sa balaod sa kagamhanan. Apan mihupot siya sa Dios uban sa pagtoo, sa pag ingon, “Kon mamatay ko, ah mamatay,” og nag ampo siya og nag puasa. Sa kataposan, iyang nadawat ang tubag sa iyang pag-ampo.

Si Daniel nag ampo sad, apan dili aron makabaton sa komportableng kinabuhi, apan aron matuman ang

kabubut-on sa Dios, og isip puli sa Iyang katawhan siya nagbasol sa mga sala nga ilang nabuhat. Ang iyang pangamuyo sa gugma gidawat sa Dios og ang Dios mitubag sa iyang pag-ampo pinaagi sa anghel nga si Gabriel (Daniel 9). Sa samang paagi ang imong pag-ampo kinahanglan ihalad diha sa gugma.

Kon ikaw mag-ampo alang sa gingharian sa Dios, og ikaw nahibalo og nakabati sa dughan sa Dios nga buot moluwas sa tanang katawhan og mahibalo sa kamatuuran, mag ampo ka nga matinguhaon alang sa iyang gingharian (1 Timoteo 2:4).

Og kon ikaw makadunggog nga naay daghan nga namatay tungod sa dakong aksidente o kalamidad,

ang imong dughan magbangutan og magtinguha alang sa kaluwasan sa kalag. Kon ang usa nga naay sakit mag-ampo para sa ubang masakiton, dili lang para sa iyang kaugalingon, ang iyang pag-ampo daling tubagon og siya maayo sad. Tungod kay kon ang pag-ampo sa gugma motandog sa dughan sa Dios, ang Iyang kaluoy moabot nato og atong mapakanaog ang Iyang tubag.

Kon ikaw tinuod nga nahigugma sa Dios, sa magbalantay og sa kalag, makahimo ka sa pag ampo pinaagi sa insperasyon sa Espiritu Santo. Makahalad ka usab og pag-ampo nga makatandog sa dughan sa Dios uban sa mga luha sa Dios, ang dughan sa Ginoo og sa magbalantay. Ining paagiha, ang gugma magsilbing taytayan sa dali nga tubag.

Unsa kaman ka matinud-anong nag ampo alang sa gingharian sa Dios?

Ang pagkamatinuuron mao nga dili mausab, og ang pagbuhat alang sa kaayohan sa uban sa pagkamatinud-anon og sa matuud. Ang ubang tawo, kon puno sila sa grasya, maghilak og mainitong mag-ampo. Apan kon ang kainit mabugnaw ang ilang dughan maminhod og mag balikbalik og litok sa mga pulong diha sa pag-ampo.

Dili nimo balikbalikon ang mga pulong sa imong pag-ampo samang naanad ka nalang og litok. Kinahanglan nga naa gyod kay dakong tinguha aron matuman ang kabubut-on sa Dios og mag ampong matinud-anon og sa matuud nga kasingkasing. Uban sa pagkamatinuuron pag-ampo, kon mag-ampo ka alang sa kalihokan sa simbahan, imong mahinumduman ang detalye sa angay nga iampo pinaagi sa insperasyon sa Espiritu Santo. Detalye

kang maka-ampo sa mga trabahanti nga nag-andam alang sa maong kalihokan, sa maayong panahon, para sa pinansyal og para sa manambong aron sila ma grasyahan og maghimaya sa Dios.

Kon mag-ampo ka sa dughan nga matinuuron, makahimo ka sa pag ampo sa tanang detalye pinaagi sa insperasyon sa Espiritu Santo alang sa maong kalihokan dili sa walay pulos nga pagbalikbalik og sulti. Og maka ampo ka uban sa pagtoo og gugma nga gikan sa kinahiladman sa imong dughan. Kon mag ampo ka alang sa gingharian sa Dios og magtinguha sa kaayohan sa uban, dili sa imong kaugalingon, ang Dios modawat sa imong pag-ampo nga malipayon.

Ang uban magsugod og ampo para sa gingharian sa Dios sa sinugdanan apan sa tungatunga, dili sila

mahibaw nga ang ilang kaugalingon nalang ang ilang giampo. Kini tungod kay ang personal nga mga panghitabo moabot sa ilang hunahuna sama sa ilang pamilya nga maayo og makadawat og grasya. Ang uban maghilak sa pag ampo tungod sa ilang kauglingong tinguha apan kon mag ampo sila alang sa gingharian sa Dios, ang ilang pag ampo dili mainiton.

Mateo 6:33 nag ingon, “Apan labaw sa tanan, paharia ninyo ang Dios og pagkinabuhi kamo uyon sa Iyang kabubut-on og ang ubang mga butang ihatag ra niya kaninyo.” Kini sekreto aron makadawat sa tubag. Kon imong paharion ang Dios og magkinabuhi uyon sa iyang kabubut-on, walay pag ampo nimo nga dili ka makadawat sa tubag og ikaw labawng motubo sa pagtoo tungod kay ang Dios nahimuot.

Unsa kadaghan sa kamaayo ang imong giampo?

Salmo 66:18 nag-ingon, “Kon gitipigan ko pa ang akong mga sala, dili unta mamati kanako ang Ginoo.” Kon mag-ampo ka nga naay sala diha sa imong dughan, ang Dios dili mamati sa imong pag-ampo. Og dili ka makadawat sa tubag. Labaw na kon naay kay binuhatan nga daotan, wala ka gayo’y tubag nga madawat.

Malaquias 1:10 nag-ingon, “Ang Ginoo nga labing gamhanan nag-ingon, ‘Gusto ko nga sirhan ninyo ang mga pultahan sa templo aron dili na kamo maghaling sa akong halaran og kalayo nga walay kapuslanan. Wala akoy kalipay kaninyo og dili ko dawaton ang inyong mga halad.’” Ang Dios nipahimangnu sa mga tawo sa mga sakripisyo nga ilang gihalad aron pagpakita lamang apan walay

pagtahod sa Dios.

Ang pagtahod sa Dios mao ang pagdumot sa daotan (Panultihon 8:13), mao nga kon may kahadlok ka sa Dios, mopalayay ka sa tanang matang sa daotan (1 Tesalonica 5:22). Katong, naay tinuod nga kahadlok sa Dios dili mobuhat og sala o maghupot sa mga sala.

Kon moingon ka nga nagtahod ka sa Dios apan dili ka komportableng kon ang mga butang dili mosibo sa imong gusto, o kon masina ka sa uban, o kon mahiubos ka kon naay makigbatok sa imong kabubut-on og makiglalis ka diha sa kasuko, ang imong pag-ampo dili dawaton sa Dios.

Apan tinuod ang pag-ampo sa bag-ong magtotoo

mahimong dawaton sa Dios tungod kay ang Dios mo konsiderar sa iyang hut-ong sa pagtoo. Apan, kon naa kay pagtoo, pinaka siguro imo gyod ilabay ang daotan og maghalad sa kahumot sa kamaayo ngadto sa Dios nga mao ang gugma og mao mismo ang kamaayo.

Mao nga, aron makagiya sa daghang kalag ngadto sa kaluwasan og makapakita sa himaya sa Dios isip espirituwal nga mangugubat, magpakabalaan ka gyod og maghalad og gugma sa pag ampo, pagkamaminatud-on, og kamaayo. Dugang pa, kon makadawat ka og kusog alang sa paghalad sa gamhanan og mainitong pag-ampo nga makatandog sa trono sa langit, mahimo kang trabahanti sa gahom.

Niadtong nag eskuwela pa ko, gibunalan ko sa eskuwelahan. Ang akong wala nga mata nihubag pag-ayo og dili nako mabuka. Ang kahubag nikuyos apan naapiktohan gyod ang akong panan-aw. Sa edad nga 18, ang mga butang hanap sa akong panan-aw. Pag 21 nako, mag antepara ko tungod kay ang traffic signs sa dalan dili nako makita kon mag-drive. Og ni apas sad ang akong tuo nga mata. Nisangpot ni nga magsalig nlang gyod ko sa antepara sulod na sa 25 katuig.

Human nga nagpa rehistro ko sa Manmin, akong na saksihan ang daghang tawo nakakita pagbalik. Pag 2014, gusto na gyod ko nga mabalik ang akong maayong panan-aw. Pag 2015, si Senyor Pastor niingon atol sa iyang sermon nga daghan ang may problema sa mata nga ma resulbar og ni awahag namo nga pa andamon. Nag ampo gyod ko og ni boluntaryo para sa Manmin Summer Retreat. Nadawat nako ang iyang mga pag ampo sa tibuok retret uban sa amen.

Ang akong panan-aw walay kausbawan didto sa retret, apan wala ko mawad-i og paglaom. Hinuon nakabaton ko og dakong tinguha alang sa pagpahimuot sa Dios. Nagpadayon ko sa mapasalamatong dughan diha sa Dios og nagbaton sa paglaom nga maayo. Mo boluntaryo gyod ko sa matag retret sulod sa 3 katuig. Labaw gyod kong nagtinguha kon mo trabaho tungod kay mas dako ang akong panahon sa gawas. Kon mag-



“Ang akong panan-aw niarang pinaagi sa gahom sa Dios!”

Deacon Sungyoon Lee, 49 anyos,
Parokya 12, Manmin Central Church

uwan o mag ‘snow’, ang tubig mopisik sa akong bildo og mo ali sa akong panan-aw. Labaw kong nagtinguha nga maayo gyod.

Disyembre 2017, ang espesyal nga pasko duol na, mao ang adlaw nga mahuman ang seven-year period nga gipuno ni Senyor Pastor sa hustisya alang nato. Lipay kaayo ko og naghinamhinam. Disyembre

17, naghuwat ko ni Senyor Pastor aron makalamano niya. Ang akong asawa niingon nga ang akong luha nidagayday sa akong mga mata. Akong gi trapohan og tisyu og nahibulong, apan dili nako mapahunong ang luha.

Human nga nakalamano ni Senyor Pastor, niadto ko sa Sunday Morning Service. Ang screen hanap og

gamay, apan ako lang gibaliwala. Atol sa Sunday Evening Service, ang mga butang makita ko nga hanap og ang akong luha sige og agas. Naghunahuna ko nga, ‘bag-o man ning akong antepara. Tungod ba kaha ini? Magpa tan-aw ba kaha ko og balik sa doktor?’ Akong gikuha ang antepara og nanrapo sa luha. Diha dayon pwerti nakong hibunga!

Ang suwat diha sa screen klaro na kaayo nako. ‘Oh! Unsa may nahitabo nako!’ Naglingi-lingi ko. Akong ibutang og kuhaon ang antepara sa makadaghan. Na siguro ko nga ang suwat diha sa screen ma klaro na nako bisan walay antepara. Niusbaw ang akong panan-aw sa akong paglamano ni Senyor Pastor!

Niadto ko sa hospital aron magpa check-up. Gani nagpa hiling ko duha ka bulan sa wala pa, og ang resulta kay 0.2/0.2. Apan karon ang akong panan-aw kay 0.9/0.9! Naka ingon ko dayon, “Wow! Niusbaw ang akong panan-aw!” Pagka dunggog sa doktor niingon siya, “Ang deperensya sa mata magka grabi. Dili kini magka-ayo.” Wala siya motoo nako.

Bisan pa, moingon gyod ko nga ang akong panan-aw niusbaw pinaagi sa gahom sa Dios Magbubuhay! Adlaw sa akong pagkaayo, naayo sad gani ko sa pagsadyong sa akong dalunggan nga akong giantos sulod sa daghang katuigan. Akong pasalamat og pasidunggan ang Dios sa gugma og gahom.

“Panalangin Nibaha sa akong trabahoan!”

Deconesa Irena, 39 anyos, Overseas Parokya, Manmin Central Church

Natawo ko sa pamilyang Kristohanon og nagdako diha sa Ginoo salamat sa akong apohan. Panahon sa Japanese colonial rule, nibalhin siya sa Sakhalin uban sa iyang pamilya. Bisan og gidili sa Russia ang pagka Kristohanon adtong panahona, naa siyay worship services sa balay uban sa laing mga pamilya. Sa pagka abli sa iyang espirituwal nga mga mata, mo estorya siya mahitungod sa langit. Gani dihay niingon siya nga ang mga anghel naghalad og nindot nga mga pagdayeg diha sa trono sa Dios.

Niingon siya nga ang dugay na niyang gipangandoy mao nga makabalik sa South Korea tungod kay naay gamhanang pastor nga moabot sa nasod og mogiya sa tanang tawo sa tanang nasod ngadto sa kaluwasan. Pag 1998, ang iyang gusto nahitabo, og ang akong pamilya nibalik sa Korea og nagsugod sa gawasnong matoohong kinabuhi.

Samtang, ang akong amahan nagiyahan sa Manmin Central Church sa iyang nakaila. Pag 2009 nisugod sad ko og adto sa simbahan. Sa pagsaksi sa mga ilhanan, kahibulongan, og sa gamhanang mga lihok, nitoo ko nga si Senyor

Pastor mao ang giingon sa akong apuhan. Sugod 2012, motabang ko sa akong Overseas Parokya Pastor sa paghubad sa sinultian nga Russian kon siya mobisita sa mga tawong Russian og sinultian. Nakabati ko og kalipay nga nag trabaho alang sa gingharian sa Dios. Nipili ko og trabaho nga makatabang pako sa akong parish-pastor bisan naa pa untay laing mas nindot pa og hatag. Og ang Dios nidala nako sa maayong trabahoan.

Pag 2013, si Senyor Pastor nipakita sa akong damgo. Og niingon nga maayo ang akong gibuhay og nangutana kon mokaon ba ko og tarong og kumusta ang akong trabaho. Nahibulong kaayo ko. Paghuman, gidawat ko sa hospital sa Seoul, kini maoy akong gustong trabahoan. Nagsugod ko og trabaho isip tighubad sa mga Russian speaking nga mga pasyente og ang akong sweldo nidako sobra pa sa doble. Nabansay ko aning trabahoa og nilapad ang akong dughan. Usa ka adlaw, si Senyor

Pastor nipakita nasad sa akong damgo. Iyang gipanawag ang mga Russian-speaking sa among cell group og niingon nako nga ipaatiman sila. Human sa damgo, gihatagan ko sa katungod nga mahimong cell leader sa mga Russian-speaking nga grupo sa overseas parokya og gihimo usab nga Russian interpreter sa Sunday Evening Service.

Mayo 2017, niapil ko sa preparasyon sa pagbiyahi para sa World Christian Doctors Network. Sa dihang among gidawat ang iyang pag ampo sa dili pa mo byahe, iyang giampo ang tanang detalye nga wala gani nako mahunahuna. Balik sa Seoul, nidako ang akong rango sa trabahoan gikan sa ‘coordinator’ ngadto sa ‘chief manager’ sa international nga departamento. Akong i-supervise ang tanang manager nga in-charge sa interpretasyon gawas sa English nga grupo. Nakakuha sad ko og lisensya nga lisod kaayong kuhaon og ang akong kita nidako gyod.

Oktobre 2017, niapil ko sa WCDN Russian Conference isip tighubad og na grasyahan pag ayo tungod sa mga doktor medikal og propisyonal nga nihatang og kamatuuran sa sagradong kaayohan basi sa medikal nga pagsusi. Akong pasalamat og himayaon ang Dios nga nigiya nako sa dalan sa panalangin sa espiritu og lawas.



Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Potato St, J-Figuera Smpaloc, Manila, Pilipinas Pastor Jaebhong Uhm 2-735-1423	067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	Purok 3, Brgy, San Roque, San Mateo, Isabela, Pilipinas Pastor Jaebhong Uhm 2-735-1423	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714